

**Акафист святым благоверным  
князем Василию и Константину Ярославским  
Кондак 1**

Избранныи чудотворцы и угодницы Божии,/ святая княжеская двоице,/ Василие прехвальне и Константине предивне,/ вы, яко два столпа непоколебима,/ землю Ярославскую утверждаете и помощь всесильную христианом даруете;/ темже, память вашу светло празднующе,/ песнь хвалы посильную приносим вам и умильно вопием:// Радуйтесь, Василие и Константине, земли Ярославския чудотворцы прехвальнии.

**Икос 1**

Ангелом Небесным удивление бысте, святии славнии князие, Василие и Константине, егда возжелали есте Христу со усердием послужити и заповеди Его всецело исполнити. Темже равноангельно на земли пожили есте, ныне же вкупе со безплотными песнь хвалы Царю царей воспеаете и молитвы теплыя за ны Богу возносите; мы же, недостойная чада ваша, благодарная вам возглашаем, поюще радостно похвалу сицевую:

Радуйтесь, Ангелом Небесным подобницы;

радуйтесь, веры православныя поборницы.

Радуйтесь, адаманты пресветлии и столпы Церкви непоколебимии;

радуйтесь, князие пречуднии, Отечеству стено неборимая.

Радуйтесь, догматов церковных твердии хранителие;

радуйтесь, о народе Божии теплии попечителие.

Радуйтесь, лучи духовныя Солнца Живаго;

радуйтесь, храмины украшенныя Духа Святаго.

Радуйтесь, Василие и Константине, земли Ярославския чудотворцы прехвальнии.

**Кондак 2**

Видяще, яко сокровище многоценное, святыя мочи ваша, чудеса и исцеления обильно подающая, людие с верою к ним припадают и умильно я лобызают, восхваляюще вас, дивнии угодницы Божии Василие и Константине, алчущих питателие, сирых заступницы, немощных врачы, Богу же, даровавшу вам крепость и силу, всем сердцем воспевают: Аллилуия.

**Икос 2**

Разум Божественный озари сердца ваша, святии благовернии князие Василие и Константине, егда, веру православную в народе

своём утверждающе, пред ханом пред неверными сию безбоязненно возвести есте, сего ради и сами от Христа прославлени бысте и венцем победным от руки Господни венчаетесь; темже молим вы, святую двоицу князей прехвальных: оградите вашими молитвами град Ярославль и все Отечество наше и от всякаго навета враг видимых и невидимых избавите ны, ублажающия вас похвалы сицевыми:

**Р**адуйтесь, бисери многоценнии, святые мощи своя людем даровавшии;

радуйтесь, кладязи неисчерпаеми, всеильную помощь христианом подающии.

Радуйтесь, маслины плодоносныя, исцеления обильно источающия;

радуйтесь, рождие винограда Христова, обильный плод благодати творящия.

Радуйтесь, податели божественных утешений;

радуйтесь, светильницы благодатных озарений.

Радуйтесь, крины райских насаждений;

радуйтесь, сосуды духовных дарований.

**Р**адуйтесь, Василие и Константине, земли Ярославския чудотворцы прехвальнойни.

### Кондак 3

**С**ила Вышняго с тобою бе, пресветлый княже Василие, егда творил еси правду Божию, землю Ярославскую от нашествия иноплеменных охраняя, Церковь Русскую в правоте утверждая и народ христианский во благочестии сохраняя; темже подвижи жития твоего добродетельнаго воспоминающе, Бога прославляем, поюще Ему: Аллилуйя.

### Икос 3

**И**муще вы теплыя молитвенники за землю нашу, воины Христовы непобедимии, обаче на невидимыя враги воители пресильнии, молим вы, святии Василие и Константине, жители преславнии Отечества Небеснаго: воздежите ваши благоугодней рuce и воздохните у Престола Божия за ны, поющия вам таковая:

**Р**адуйтесь, Слова Божия крепции исполнителие;

радуйтесь, воли Его неленостнии возвестителие.

Радуйтесь, благочестивому житию усерднии учителяе;

радуйтесь, апостольским деянием ревностнии подражателие.

Радуйтесь, Христу Богу вернии служителие;

радуйтесь, чинов небесных сликовствователие.

Ра́дуйтеся, бесо́в плач и зельное рыда́ние;  
ра́дуйтеся, христиа́н непрестаю́щее ра́дование.

Ра́дуйтеся, Васи́лие и Константи́не, земли́ Яросла́вския  
чудотво́рцы прехва́льнии.

#### Конда́к 4

Бу́рю искуше́ний претерпе́л еси́, досточу́дне Константи́не, егда́  
воста́ на зе́млю ру́сскую неве́рных власти́тель. Ты же, я́ко щит  
необори́мый, со дружи́ною на Ту́говой горе́ воздви́глся еси́ и кровь  
свою́ за Оте́чество изли́ял еси́; те́мже по́двиг твой воспомина́ем и  
Бо́гу, укре́пльшему тя, ра́достно поём: Аллилу́ия.

#### И́кос 4

Слы́ша ева́нгельское сло́во: «Не убо́йтесь от убива́ющих те́ло»,  
ты, кня́же Константи́не, все упова́ние на Бо́га возложи́л еси́, враго́м  
Оте́чества твоего́ до́блественне противоста́л еси́ и жизнь свою́ за  
дру́ги твоя́ положи́л еси́, те́мже со святы́ми сро́дники свои́ми в  
небе́сных черто́зах всели́лся еси́ и та́мо вку́пе с Васи́лием блаже́нства  
ра́йская вкуша́еши и мо́лишися о нас, пою́щих вам такова́я:

Ра́дуйтеся, бу́рю зло́бных искуше́ний победи́вши;  
ра́дуйтеся, ве́ру Христо́ву му́жественно пропове́давши.  
Ра́дуйтеся, до́блии во́ини и Оте́чества засту́пницы;  
ра́дуйтеся, те́плии моли́твенницы за род христиа́нский.  
Ра́дуйтеся, а́гнцы незло́бивии, Христу́ последовавши;  
ра́дуйтеся, же́ртвы живы́я, чи́стыя и благоуха́нныя.  
Ра́дуйтеся, нищету́ духо́вную стяжа́вши;  
ра́дуйтеся, бога́тство в Бо́зе ве́рою обрети́ши.

Ра́дуйтеся, Васи́лие и Константи́не, земли́ Яросла́вския  
чудотво́рцы прехва́льнии.

#### Конда́к 5

Боготе́чныя звёзды́ яви́стеся, святы́и кня́зие Васи́лие и  
Константи́не, вы бо све́том Христо́вым с небесе́ зе́млю озаря́ете,  
малове́рная сердца́ на́ша в ве́ре утвержда́ете, заблуждши́я и отпа́дшия  
от Це́ркве Ма́тере в ло́но ея́ возвраща́ете, моля́щихся вам от поро́ков и  
всяких скверн отвраща́ете, науча́юще благода́рно Бо́гу пе́ти:  
Аллилу́ия.

#### И́кос 5

Ви́дяще си́лу чудотво́рений от святы́х моще́й ва́ших подава́емую  
и недуги́ разли́чныя врачующую, лю́дие Бо́гу благодарéние ве́лие  
принóсят, и вам, святы́и уго́дницы Васи́лие и Константи́не, я́ко  
сокро́вищницам благода́ти Бо́жия, те́пле вопи́ют:

Рáдуйтеся, сосúди златíи Дúха Свята́го;  
ра́дуйтеся, жили́ща пресла́вная Бо́га Жива́го.  
Рáдуйтеся, заблúждших в ло́но Цёркве возвраща́ющими;  
ра́дуйтеся, потемнённых в страстéх просвеща́ющими.  
Рáдуйтеся, от стра́сти пьянства избавля́ющими;  
ра́дуйтеся, недúжных безме́дно врачúющими.  
Рáдуйтеся, в по́двизех живу́щим помога́ющими;  
ра́дуйтеся, от лжеве́рия христиа́ны сохраня́ющими.

Рáдуйтеся, Васи́лие и Константи́не, земли́ Яросла́вския чудотво́рцы прехва́льнии.

### Конда́к 6

Пропове́дницы сла́вы Цари́цы Небе́сныя б́исте, святíи богоно́снии отцы́ на́ши, Васи́лие и Константи́не, егда́ во Успенский храм Богороди́цы Яросла́вскую Ея́ ико́ну принесóсте, науча́юще лю́ди прославля́ти Пречíстую Богома́терь, Сы́ну же Ея́ и Бо́гу на́шему Го́споду Иису́су Христу́ благода́рно воспева́ти: Аллилу́ия.

### Йкос 6

Возсия́ свет в земли́ Яросла́вской, освеща́яй всю вселённу́ю, егда́ ико́на Богороди́цы, во храм ва́ми принесённая, озари́ благода́тию дúши христиа́нския, те́мже с ве́рою к ней лю́дие притека́ют и умíльно ю́ лобыза́ют, получа́юще от недúгов душе́вных и телéсных исцелéния, вас же, благословíвших зёмлю́ на́шу, святíи Васи́лие и Константи́не, похваля́ют сíце:

Рáдуйтеся, дво́ице святáя, кня́зие незабвёнными;  
ра́дуйтеся, дарова́вши лю́дем ико́ну Богороди́цы в благословéние.

Рáдуйтеся, сла́ву Цари́цы Небе́сныя нам возвеща́ющими;  
ра́дуйтеся, ико́ною чудотво́рною зёмлю́ Ру́сскую благословля́ющими.

Рáдуйтеся, в хра́ме Успенстем Яросла́вскую ико́ну водворíвшими;  
ра́дуйтеся, ве́лию честь Ма́тери Бо́жией чрез ико́ну Ея́ возда́вшими.

Рáдуйтеся, лик Ея́ пресвётлый ны́не зря́щими;  
ра́дуйтеся, прíсно Ю́ за ны умоля́ющими.

Рáдуйтеся, Васи́лие и Константи́не, земли́ Яросла́вския чудотво́рцы прехва́льнии.

### Конда́к 7

Хотя́ще Бо́гу уго́дная сотвори́ти и ми́лость Его́ в пакибы́тий улучи́ти, с ве́рою зри́аем на житиé святýх благове́рных князе́й,

Васілія преслávнаго и Константіна прехвálnаго, тїи бо, власть от Бóга имúще, наро́ду своему́ вѣрно послужїша и отѣчество земно́е пóдвиги житїя́ своего́ прослáвиша, тѣмже, я́ко друзи Христóвы, во Отѣчестве Небѣсном радóстно пою́т Бóгу: Аллилу́ия.

### Їкос 7

Светїльницы во гра́де Ярослáвле возсіяте и ны́не Свет Небѣсный на зѣмлю на́шу ще́дро излива́ете, святїи светоно́снии Васїлие и Константіне, Цѣркве Правослáвныя вѣрная ча́да и землі́ наша́я предївное украше́ние естѣ, тѣмже с вѣрою на лі́ки ва́ша взира́ем и похва́льная вам воспева́ем:

Ра́дуйтесь, смире́ния и чистоты́ испóлненнии;

ра́дуйтесь, о́браз добродѣтельнаго житїя́ явля́ющихи.

Ра́дуйтесь, кня́зя горды́ни низложївши;

ра́дуйтесь, ко́зни егó смиренномúдрием до конца́ разорївши.

Ра́дуйтесь, светїльницы, евангелски ничїмже сокрýтии;

ра́дуйтесь, на высотѣ житїя́ благочѣстнаго во Отѣчестве своѣм возсіявши.

Ра́дуйтесь, в терпѣнии дýши своя́ стяжавши;

ра́дуйтесь, спасѣние и сла́ву от Гóспода восприѣмшии.

Ра́дуйтесь, Васїлие и Константіне, землі́ Ярослáвскїя чудотворцы прехвálnїи.

### Конда́к 8

Стрáнницы земнїи, Васїлие и Константіне блаже́ннии, знáтность ро́да своего́ презрѣвше, ко гóрдому язы́ческому властїтелю на поклóн ра́ди наро́да и блага́ Отѣчества своего́ ходїли естѣ, и жестокосер́днаго правїтеля мїлостива сотворїли естѣ, тѣмже мúдрость ва́шу похваля́ем и па́мять ва́шу свѣтло прáзднуем, Бóгу же, Влады́це всех, поѣм радóстно: Аллилу́ия.

### Їкос 8

Весь град удивїся, чýдо вѣлие созерца́я, ка́ко два сокрóвища, в землі́ сокрýтая, подобно́ двема́ со́лнцема, возсіяста, егда́ лю́дие обретóша святы́я мо́щи ва́ша, чýдная двоїще, Васїлие и Константіне пресвѣтлии; тѣмже мо́лим вы, Бóжїи работницы́ и друзи Христóви, дарова́ти граду́ утвержде́ние, всем вѣрою вас почита́ющим грехóв оставле́ние и Цáрствию Бóжїю присвоѣние, да воспева́ем вам похва́льную песнь сицевóю:

Ра́дуйтесь, стрáнницы земнїи и челове́цы Небѣснии;

ра́дуйтесь, ско́рии заступницы́ на́ши и учїтелие серде́чнии.

Ра́дуйтесь, я́ко мо́щи ва́ша жизнь вѣчную лю́дем возвещáют;

ра́дуйтеся, я́ко тья скорбь душе́вную на ра́дость прелага́ют.  
Ра́дуйтеся, кр́ини сѣльнии, чисто́тою на землі процвѣтшии;  
ра́дуйтеся, цвѣти прекра́снии, свята́нею житія́ своего́  
возблагодуха́вшии.

Ра́дуйтеся, исто́чницы духо́внии, в жизнь вѣчную прісно  
теку́щи;

ра́дуйтеся, ско́рии моли́твенницы, благодáтную по́мощь вѣрным  
пода́ющи.

Ра́дуйтеся, Васи́лие и Константи́не, землі Яросла́вския  
чудотво́рцы прехва́льнии.

### Конда́к 9

Восхва́лятся преподо́бнии во сла́ве и возра́дуются на ло́жах  
свои́х, — та́ко возвести́ божѣственный Дави́д рóду челове́ческому,  
сего́ ра́ди на до́брое жити́е ва́ше взира́юще, я́ко преподо́бных вас  
ублажа́ем, святи́и сла́внии Васи́лие и Константи́не, вы бо в весѣлии  
вѣчном пребыва́юще, науча́ете нас с любóвию пѣти Бо́гу: Аллилу́ия.

### Йкос 9

Вет́ии многоглаго́ливии умолко́ша, не возмога́ют бо рещи́ сла́ву,  
дарова́нную вам от Го́спода, ю́же о́ко челове́ческое не ви́де, у́хо  
челове́ческое не слы́ша и я́же на се́рдце челове́ку не взы́де; те́мже вы,  
я́ко фи́никси многопло́днии, во дво́рех Господ́них процвели́ есте́; сего́  
ра́ди мо́лим вы, свята́ю дво́ицу, Васи́лие и Константи́не, поминáйте  
ны, земны́я срóдники ва́ша, пою́щая вам похвалу́ сицеву́ю:

Ра́дуйтеся, му́жие сла́внии, ве́лий плод добродѣтелей Бо́гу  
принѣсшии;

ра́дуйтеся, мзду Небе́сную мно́гую от Го́спода восприѣмшии.

Ра́дуйтеся, кади́льницы златы́я, фими́ам моли́тв Бо́гу за ны  
возно́сая;

ра́дуйтеся, звѣзды небе́сныя, во мра́це неве́рия вѣрно светя́щая.

Ра́дуйтеся, ковче́жцы златоковáннии, сокрови́ще Ду́ха Свята́го в  
себе́ иму́щи;

ра́дуйтеся, гу́сли сладкозвучны́я, песнь хвалы́ Бо́гу вѣну пою́щая.

Ра́дуйтеся, мечи́ обоюдоо́стрии, враги́ мы́сленныя посеца́ющи;

ра́дуйтеся, в по́двизех духо́вных христиáном помога́ющи.

Ра́дуйтеся, Васи́лие и Константи́не, землі Яросла́вския  
чудотво́рцы прехва́льнии.

### Конда́к 10

Спаст́и хотя́ще ду́ши сво́я, не да́ли есте́ сна очы́ма сво́има, ни  
ве́ждама сво́има дрема́ния, до́ндеже вообрази́ся в вас Христóс, святи́и

богомудрии Васілие и Константіне; тѣмже, дѹши вѹша, яко невесты Христовы, украсили есте, и со свѣтільники горящими Женихѹ Церковнаго срѣтили есте, с Нимже ныне ликовствѹюще, поѣте Емѹ: Аллилуія.

### Икос 10

Стенѹ есте и заступлѣние граду Ярославлю, богомудрии угѹдницы Васілие и Константіне, и прибѣжище всем, с вѣрою призываѹщим вас на поможѣ во всяких бѣдах и напѹстех, дерзновение бо велие имате у Христа Бѹга, святїи, помогати и спасати вопиѹщих вам таковѹя:

Радуйтѣся, странѣ нашей свѣтлое украшѣние;

радуйтѣся, граду Ярославлю весѣлие и радование.

Радуйтѣся, престѹлу Гѹспода славы предстоящїи и тѣпле молящїиися о душѹх наших;

радуйтѣся, зарѣю Трисѹлнечнаго Свѣта озарѣннии.

Радуйтѣся, яко лицѣм к лицѹ Бѹга зрїте;

радуйтѣся, вкѹпе в радость Гѹспода вшѣдшии.

Радуйтѣся, яко сѹщим в бѣдах и напѹстех избавлѣние подаѣте;

радуйтѣся, яко и всем труждаѹщимся скорїи помѹщницы есте.

Радуйтѣся, Васілие и Константіне, земли Ярославскїя чудотворцы прехвальнїи.

### Кондак 11

Песнь хвалы и благодарѣния приносим Бѹгу, дївному во святых Своих, яко даровѹ нам таковѹя крѣпкїя молїтвенники и во бранѣх духовных помѹщники; тѣмже вас, святїи братїе, ублажаѣем и молим о спасѣнии душ наших, да вкѹпе с вами, блаженнїи князїе Васілие и Константіне, воспоѣм Бѹгу: Аллилуія.

### Икос 11

Свещї многосвѣтлыя, на твѣрди церковней возжѣнныя, благоимѣнїи Васілие и Константіне, у Престѹла Пресвятѹя Трѹицы вѹну предстояще, испросїте нам неотъемлемѹ благодѹть Святаго Дѹха, да Им утѣшеннїи и просветлѣннїи, воспоѣм вам похвалѹ сицевѹю:

Радуйтѣся, тѣплии за ны к Бѹгу молїтвенницы;

радуйтѣся, от гнѣва Бѹжїя наши заступницы.

Радуйтѣся, облацы, росѹю благодѹти исполненнїи;

радуйтѣся, истѹчницы, напѹяющїи жаждущїя жїзни.

Радуйтѣся, князїе святїи, любовь к Бѹгу имѹщїи;

радуйтѣся, о благочѣстїи зело ревнѹющїи.

Ра́дуйтеся, вдов утѣшителие и ни́щих пита́телие;  
ра́дуйтеся, благ небѣсных незавѣстнии подáтелие.

Ра́дуйтеся, Васи́лие и Константи́не, земли́ Яросла́вския  
чудотво́рцы прехва́льнии.

### Конда́к 12

Благода́ть неизме́нно исто́чаєте всем с ве́рою к вам  
притека́ющим, благове́рнии кня́зие на́ши, Васи́лие и Константи́не, мы  
же, я́ко елѣни на исто́чники водны́я, ко святы́м мощѣм ва́шим  
припа́даем, никто́же бо от них тощ и неутѣшен оты́де, оба́че ра́дости  
духо́вныя испо́лнени, в ликовáнии серде́чном вам благодарѣние  
принóсим, Бо́гу же воспева́ем умилѣнно: Аллилу́ия.

### И́кос 12

Пою́ще чудеса́ и по́двиги ва́ша, блаже́ннии Васи́лие и  
Константи́не, дивѣмся благоутро́бию Бо́жью, ка́ко си́ла благода́тная в  
немо́щных сосу́дех скуде́льных пребыва́ющи, всякую́ я́зю и недуг  
врачу́ет, ско́рбных утешáет и вся благопотре́бная, с ве́рою прося́щим  
да́рует. За сию́ ми́лость благодарѣние Бо́гу принóсим, вас же  
ублажа́ем похва́лами сицевы́ми:

Ра́дуйтеся, ка́мени многоце́ннии сла́вы Ца́рства Христо́ва;  
ра́дуйтеся, скрижа́ли заветны́я сладча́йшаго И́мене Иису́сова.

Ра́дуйтеся, цевни́цы изрядны́я Ду́ха Свята́го;

ра́дуйтеся, трубы́ громогласны́я Бо́га Небѣснаго.

Ра́дуйтеся, се́не благоли́твенная, от знóя страсте́й нас  
покрыва́ющая;

ра́дуйтеся, вѣстни́цы, божѣственную во́лю нам возвещáющи.

Ра́дуйтеся, ходатаи за зе́млю Ру́сскую;

ра́дуйтеся, радѣтелие за Це́рковь Правосла́вную.

Ра́дуйтеся, Васи́лие и Константи́не, земли́ Яросла́вския  
чудотво́рцы прехва́льнии.

### Конда́к 13

О пресла́внии уго́дницы, Васи́лие и Константи́не, в земли́  
Яросла́вской просия́вшии, примѣте ма́лое сие́ моле́ние на́ше,  
помози́те нам, во юдо́ли скорбе́й живу́щим, испроси́те у Го́спода мир  
и ве́лию ми́лость земны́м срóдником ва́шим, да вку́пе с ва́ми и со  
все́ми святы́ми сподо́бимся на земли́ живы́х пѣти Бо́гу хвале́бную  
песнь: Аллилу́ия.

Сей конда́к глаго́лется три́жды.

## И паки чтётся икос 1-й, и кондак 1-й.

### Моли́тва

О всехва́льнии и досто́блаже́ннии кня́зие Васи́лие и Константи́не, вы́ убо по́двигом до́брым подви́заете́ся и жити́е своё в ве́ре сконча́ли есте́, ны́не же в Ца́рстве сла́вы со святы́ми веселíteся и ра́йских блаже́нств наслажда́етесь; те́мже на сла́ву ва́шу умилно́ взира́ем и вас, я́ко те́плых моли́твенников ублажа́ем. Ей, всечестна́я богоуго́дная дво́ице, воззри́те на ны ми́лостивно и да́руйте нам вся потре́бная ко спасе́нию. Ещѐ же мо́лим вас, испроси́те у Го́спода Це́ркви мир и утвержде́ние, архипа́стырем и па́стырем в благода́ти хождѐние, мона́хом во смире́нии и терпе́нии пребыва́ти и моли́тву непреста́нно твори́ти, и всем нам друг ко дру́гу любо́вь нелицеме́рную имѐти. Ещѐ же да́руйте нам мыта́рств возду́шных безбе́дное прохожде́ние и на Стра́шнем Судѐ Хри́стове одесну́ю Бо́га стоя́ние, да прославля́ем Пресвяту́ю Тро́ицу, Отца́, и Сы́на, и Свята́го Ду́ха, во ве́ки веко́в. **Ами́нь.**

*Утвержден Священным Синодом  
Русской Православной Церкви  
29.07.17 (журнал № 65).*